

Skipulagsstofnun
Jakob Gunnarsson
Laugavegi 166
150 REYKJAVÍK

Garðabær, 19. janúar 2017
2017010029/42-2
TB
jgo/tb

Matsáætlun, hálendismiðstöð Kerlingarfjöllum í Hrunamannahrepp, umsögn

Vísað er til bréfs frá Skipulagsstofnun, dags. 3. janúar sl., þar sem óskað er eftir umsögn Náttúrufræðistofnunar Íslands um matsáætlun um hálendismiðstöð Fannborgar ehf. í Kerlingarfjöllum. Óskað er eftir athugasemdum um hvort nægjanlega vel sé gert grein fyrir þeim þáttum sem framkvæmdaraðili hyggst fjalla um í frummatsskýrslu og matsskýrslu þ.e. umhverfisþætti sem matið á að taka til, valkosti, gagnaöflun og úrvinnslu gagna til að meta umhverfisáhrif og framsetningu.

Náttúrufræðistofnun vill taka fram að stofnunin mun vinna greinargerð um jarðmyndanir og gróðurfar á framkvæmdasvæðinu og meta verndargildi þess. Greinargerðin er kostuð af Fannborg ehf. en er mat Náttúrufræðistofnunar á framangreindum þáttum og byggir m.a. á eldri rannsóknum stofnunarinnar, sjá annars kafla 4.4.2 í matsáætluninni.

Í matsáætluninni er vel lýst þeirri stjórnsýslulegu umgjörð sem fyrirhuguð framkvæmd þarf að taka tillit til s.s. að svæðið er á náttúruminjasrá, í verndarflokki rammaáætlunar, er þjóðlenda, svæðið á að friðlýsa og vinna þarf skipulag í samvinnu við viðkomandi sveitarfélag og fara þarf í mat á umhverfisáhrifum. Einnig að vinna þarf matið í samræmi við landsskipulag. Rétt er að benda á að miðað við sögu svæðisins, landsskipulag og drög að friðlýsingarskilmálum þá er ekki gert ráð fyrir mörgum kostum hvað varðar staðsetningu þjónustukjarna í Kerlingarfjöllum. Hvað varðar umfang og útfærslur þjónustukjarna innan þess svæðis þá þarf að færa rök fyrir því í frummatsskýrslu/matsskýrslu að þær lausnir sem boðið verður upp á séu í samræmi við m.a. markmið landsskipulags og laga um náttúruvernd. Þ.e. meta þarf valkost framkvæmdaraðila og umfang hans miðað við minni þjónustukjarna og/eða að hann verður fluttur annað. Gera þarf vel grein fyrir áhrifum utan hins eiginlega framkvæmdasvæðis, verði að uppbyggingu, og hvernig veður tekið á skipulagi ferðamennsku þar.

Náttúrufræðistofnun telur að matsáætlunin geri ráð fyrir að í matsskýrslu verði fjallað um þá þætti sem eru á starfssviði Náttúrufræðistofnunar og gerir því ekki frekari athugasemdir.



Í frummatsskýrslu mun svo væntanlega koma fram hvort nægjanlega vel hefur verið fjallað um einstaka þætti framkvæmdarinnar og heildaráhrif hennar.

Virðingarfyllt



Jón Gunnar Ottósson
forstjóri



Trausti Baldursson

